

til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Heilbrigðis- og tryggingamálaráðuneytið, 7. ágúst 1973.

Magnús Kjartansson.

Páll Sigurðsson.

Nr. 240.

22. maí 1973.

G J A L D S K R Á

fyrir Rafmagnsveitu Reykjavíkur.

I. KAFLI

Gildissvið.

1. gr.

Gjaldskrá þessi gildir fyrir orkuveitusvæði Rafmagnsveitu Reykjavíkur.

II. KAFLI

Heimtauggjöld.

2. gr.

Heimtauggjöld skulu greidd samkvæmt eftirfarandi töflu:

			Jarðstrengur		Loftlína	
			stofngjald	lengdargjald	stofngjald	lengdargjald
			kr.	kr./m	kr.	kr./stólpa
1.	25 A	1-fasa			6 776	7 907
2.	60 A	—	1 546	682	7 907	9 033
3.	100 A	—	1 546	818	10 165	11 294
4.	25 A	3-fasa			7 907	9 033
5.	60 A	—	1 546	818	10 165	11 294
6.	100 A	—	4 681	931	13 553	14 117
7.	200 A	—	16 095	1 413	27 106	16 942
8.	300 A	—	65 206 x			
9.	150 kVA	—	74 795 x			
10.	300 kVA	—	149 590 x			
11.	500 kVA	—	249 316 x			
12.	800 kVA	—	398 906 x			

A merkir málstraum (amper) vara í stofnvarkassa (eða stofnvara innan við stofntengikassa).

kVA merkir málraun (kilovoltamper) spennis, þegar um sérspennistöð er að ræða.

x Greiðist skv. kostnaði.

3. gr.

3.1 Lengd jarðstrengsheimtaugar reiknast í heilum metrum (m) frá lóðamörkum eða næsta útítengikassa að stofnvarkassa (eða stofntengikassa) hússins. Lengdargjald (kr./m) greiðist skv. töflu í 2. gr. Rafmagnsveitan ákveður legu heimtaugarinnar.

- 3.2 Sjái húseigandi, á eigin kostnað, um lög्न frá útitingikassa eða rofa í spennistöð að eigin stofntengikassa eða töflu, greiðir hann aðeins stofngjald skv. töflu í 2. gr. og annast sjálfur viðhaldið.
- 3.3 Fyrir loftlínuheimtaugar greiðist lengdargjald skv. töflu í 2. gr., ef setja þarf sérstaka stólpa vegna fjarlægðar eða afstöðu stofnkassa til notendalínu.
- 3.4 Sé um óskipulagt svæði að ræða eða aðstæður óvenjulegar, er heimilt að krefjast sérstaks aukagjalds af húseiganda.
- 3.5 Í byggingahverfum, sem sérstaklega eru skipulögð sem ein heild, er Rafmagnsveitunni heimilt að jafna lengdargjöldum niður á umsækjendur heimtauga.
- 3.6 Þegar loftlínuheimtaug (aðalheimtaug) er breytt í jarðstrengsheimtaug, svo og þegar jarðstrengsheimtaug er stækkuð, skal greiða fullt heimtaugargjald fyrir hina nýju heimtaug að frádregnu hálfu gjaldi hinnar fyrri heimtaugar, hvort tveggja miðað við gildandi gjaldskrá þegar breytingin fer fram. Þegar breytingar af þessu tagi fara fram í heilum hverfum, er heimilt að jafna gjöldunum niður á húseigendur.

4. gr.

Sé nauðsynlegt að setja upp spennistöð vegna ákveðins notanda og hún að mestu leyti notuð í þágu hans, skal notandanum skylt að leggja til lóð undir stöðina, Rafmagnsveitunni að kostnaðarlausu, og skal hann í öllu hlíta skilmálum Rafmagnsveitunnar um stærð lóðarinnar og staðsetningu stöðvarinnar.

5. gr.

Heimtaugargjald skal greitt við umsókn.

III. KAFLI

Mælaleiga.

6. gr.

Rafmagnsveitan ákveður stærð og gerð mælitækja, sem notuð eru á hverjum stað í sambandi við sölu á raforku.

Ársleigan eftir mælitæki skal vera sem hér segir:

Tegund mælitækis	Upp að 30 A kr.	35—50 A kr.	55—100 A kr.	Yfir 100 A kr.
Einfasa kWst.-mælar, hemilmælar, og lausar skiptiklukkur einar sér	106.00			
Þrífasa kWst.-mælar, þrífasa hemilmælar, einfasa frádráttarmælar, lausir	234.70	393.80	454.30	757.20
Tvígjaldsmælar, mestumælar	393.80	454.30	719.40	1 151.00
Rofar:				
1 × 10 A—2 × 30 A	590.60			
3 × 15 A—3 × 60 A	719.40			
3 × 100 A—3 × 350 A	1741.60			

Ársleiga eftir önnur mælitæki skal vera sem næst 15% af verði viðkomandi tækis, eftir nánari ákvörðun Rafmagnsveitunnar.

Ekki skal greiða leigu eftir mæla, sem notaðir eru skv. 3. tl. 8. gr.

Leiga skal greidd samtímis gjaldi fyrir raforku.

IV. KAFLI
Sala raforku.

7. gr.

Verð á raforku til lýsingar skal ákveði sem hér segir:

- 7.1 Kr. 13.45 hver kWst., sem seld er um kWst. mæli.
- 7.2 Kr. 18 470.65 hvert árskilowatt til útilýsingar, þótt mælitækjum verði ekki við komið, svo og raforku til götulýsingar, enda greiði þá notandi að auki stofn-
kostnað eða viðhaldskostnað að fullu, eftir ákvörðun Rafmagnsveitunnar.
- 7.3 Kr. 3.56 hver kWst., sem seld er um kWst. mæli. Auk þess ber þá að greiða fastagjald, er nemi kr. 1 847.06 á ári fyrir allt að 25 ferm. gólfplatarmáls rýmis þess, er lýsa skal, og kr. 57.02 fyrir hvern ferm. umfram 25 ferm. Fyrir ganga og geymslur skal deila fermetragjaldinu með 3.5.
- 7.4 Kr. 3 826.95 hvert árskilowatt, og öll notkun kr. 3.56 hver kWst., ef um meira en 2,5 kW-afl er að ræða og árlegur notkunartími meiri en 2000 klst. Verði aflmælingu skv. þessum lið ekki beitt, skal reikna fyrir hvern fermetra gólf-
flatarmáls 15 wött á kr. 2 316.22 árskW. Sé notuð lýsing með flúrlömpum, er heimilt að miða gjald skv. 1.—4. tl. við voltamper í stað watta.

8. gr.

Verð á raforku til almennrar heimilisnotkunar skal ákveðið sem hér segir:

- 8.1 Raforka til ljósa um sérmæli skal seld skv. 1. tl. 7. gr., en raforka til heimilis-
véla um sérstakan mæli skal seld á kr. 3.35 hver kWst.
- 8.2 Heimilt er að selja raforku til notkunar í skrifstofum, verzlunum og verk-
stæðum skv. lið 8.1.
- 8.3 Kr. 2.91 hver kWst., sem seld er um kWst. mæli, og auk þess fastagjald kr. 281.92 á ári af hverju íbúðarherbergi.
- 8.4 Kr. 2.91 hver kWst., sem seld er um sérmæli til suðunotkunar í veitingahús-
um, gistihúsum og öðrum slíkum stöðum.
- 8.5 Kr. 2.91 hver kWst., sem seld er til súgþurrkunar á heyi.
- 8.6 Kr. 9 976.21 hvert árskW., sem selt er um hemilmæli og auk þess kr. 2.73 hver
kWst., fyrir umframnotkun. Hemilstilling skal vera minnst 500 wött, að við-
bættum 100 wöttum fyrir hvert íbúðarherbergi umfram tvö.
- 8.7 Kr. 9 976.21 hvert árskW., sem selt er um hemilmæli til notkunar í skrifstof-
um, verzlunum og verkstæðum. Umframnotkun skal seld á kr. 2.73 og hemil-
stilling miðuð við 500 wött fyrir fyrstu 25 ferm. gólfplatar eða minna, og síðan
100 wött fyrir hverja 12 ferm. eða minna. Beita skal 3. tl. 7. gr. við ákvörðun
gjaldsins. Ef óskað er hærri hemilstillingar en um getur í þessum tölulið, skal
gjaldið vera kr. 18 470.65 hvert árskW.
- 8.8 Kr. 2.53 hver kWst., þegar orkan er seld sjúkrahúsum, heilsuverndarstöðvum,
vistheimilum fyrir börn og elliheimilum. Taxi þessi tekur ekki til starfs-
mannabústaða þeirra, sem eru utan aðalbygginga viðkomandi stofnunar.

9. gr.

Verð á raforku til vélarekstrar skal ákveðið sem hér segir:

- 9.1 Kr. 6.71 hver kWst., sem seld er um kWst. mæli.
- 9.2 Kr. 1 342.60 hvert uppsett árskW., og öll notkun kr. 2.62 hver kWst.
- 9.3 Ef raforka er seld um mestu-mæla fyrir mesta notað afl, skal greiða fyrir
notkunina svo sem hér segir:
Kr. 2 249.00 á árskW.
Auk þess skal greiða kr. 1.15 fyrir hverja kWst.

- 9.4 Kr. 7 285.87 fyrir hvert árskW., sem selt er um hemilmæli, og kr. 3.56 hver kWst., sem umfram er. Rafmagnsveitan ákveður stillingu hemilmælis hverju sinni. Raforku til hitunar í iðnaði má selja skv. þessum lið.
- 9.5 Kr. 7.07 fyrir hverja kWst., sem seld er til vinnuvéla, vinnuljósa og annarra nota við húsbýggingar, meðan á framkvæmdum stendur.

10. gr.

Verð á raforku til hitunar skal ákveðið sem hér segir:

- 10.1 Kr. 1.41 hver kWst., seld um kWst. mæli, enda sé lágmarksnotkun 10.000 kWst. á ári.
- 10.2 Kr. 1.00 hver kWst. (án söluskatts), sem seld er um kWst. mæli, ef straumur er rofinn allt að tveim klst. tvisvar á dag.
- 10.3 Heimilt er að selja raforku til heimilisnota á kr. 1.08 hverja kWst. (án söluskatts), en þá skal fastagjald vera kr. 2 800.79 á ári fyrir eins herbergis íbúð og kr. 1 287.42 að auki fyrir hvert herbergi, sem þar er fram yfir, allt að kr. 7 955.80 á ári.
- 10.4 Kr. 1.22 hver kWst. fyrir notkun til hitunar á neyzluvatni, stóra kæliklefa og fyrir vatnsdælur í íbúðarhúsum.
- 10.5 Kr. 0.72 hver kWst. (án söluskatts), sem seld er um kWst. mæli, ef straumur er rofinn með klukkurofa í tvær klst. tvisvar á dag.
- 10.6 Kr. 0.46 hver kWst. (án söluskatts), sem seld er um kWst. mæli, ef straumurinn er rofinn með klukkurofa kl. 9—21, enda séu fyrir hendi nægilega stórir hitageymar til dagsnotkunar. Þegar um er að ræða hitun í húsrými, sem er stærra en 2000 rúmmetrar, eða aðra hliðstæða notkun á afli, er heimilt að láta raforku í té á tímanum kl. 12.30—15.30.
- 10.7 Kr. 0.69 hver kWst., sem seld er um tvígjaldsmæla á tímabilinu kl. 22.00—9.00 og kr. 2.91 hver kWst., sem seld er á tímabilinu kl. 9.00—22.00.

11. gr.

Rafmagnsveitan má, með samþykki borgarráðs, selja raforku eftir sérstökum samningi.

Heimilt er að setja sérstök skilyrði um raforkusölu til ígripaotkunar fleiri en eins aðila um sama mæli, svo sem um hafnarskápa, og annars staðar, þar sem þess er talin þörf, þar með talið að krefjast fyrirframgreiðslu og tengigjalds. Rafmagnsveitunni er heimilt að ákveða sérstakt gjald fyrir launaafli hjá þeim notendum, sem kaupa orku samkv. aflagjaldskrá.

12. gr.

Borgarstjórn ákveður gjald fyrir götu- og hafnarlýsingu.

13. gr.

Rafmagnsveitu Reykjavíkur er heimilt að breyta gjaldskrá þessari til samræmis við verðbreytingar samkvæmt hlutfallsgrundvelli, sem fæst úr síðasta ársreikningi Rafmagnsveitunnar, enda sé grundvöllurinn lagður fyrir stjórn veitustofnana borgarinnar til staðfestingar. Ef fyrirhuguð gjaldskrárhækkun nemur meira en 20% skal leita staðfestingar ráðherra.

Þættir þeir, sem tekið skal tillit til, eru: orkukaup, verðjöfnunargjald, laun, vélakostnaður og efni. Gjaldskrárbreytingar samkv. framansögðu er heimilt að framkvæma allt að tvisvar á ári, jafnan miðað við 1. janúar og 1. júlí. Fyrirhugaðar gjaldskrárbreytingar skulu tilkynntar Orkustofnun, áður en þær taka gildi.

Telji Borgarstjórn Reykjavíkur nauðsyn á, að ráðstafanir séu gerðar til að draga úr rafmagnsnotkun, er henni m. a. heimilt að hækka rafmagnsverðið á notkun

umfram meðalnotkun í hverjum gjaldskrárlið allt að 10-földu verði. Í útreikningi meðalnotkunar skal tekið tillit til orku- og aflþarfar.

14. gr.

Verð orku um hvern mæli reiknist í heilum krónum, þannig að færri aurum en 50 sé sleppt, en ella sé upphæðin hækkuð upp í næstu heila krónu.

V. KAFLI

Ýmis ákvæði.

15. gr.

Nú er notuð heimild til að rjúfa straum á veitu vegna vanskila notanda með greiðslu gjalda, skv. gjaldskrá þessari, og skal þá taka gjald, kr. 100.00 fyrir að setja straum á að nýju.

16. gr.

Ef í ljós kemur við skoðun, að notuð eru óleyfileg vör eða of stór, skal loka veitunni tafarlaust, og er ekki heimilt að opna hana að nýju, fyrr en notandi hefur greitt gjald, kr. 100.00, til Rafmagnsveitunnar.

17. gr.

Skilyrði fyrir sölu raforku til hitunar skv. 10. gr. eru þau, að vélaafl, götulínur og spennar þoli álagið að dómi rafmagnsstjóra, notandi kosti tengingu klukkurofa og búnaði öllum sé hagað skv. fyrirmælum rafmagnsstjóra.

18. gr.

Í útreikningi á fjölda herbergja í íbúð skal aðeins telja stofur og svefnherbergi o. þ. h., en ekki eldhús. Herbergi minna en 5 m² skal telja sem hálf, en þar sem herbergjastærð fer fram úr 25 m² skal reikna hverja nýbyrjaða 25 m² sem eitt herbergi. Þar sem meðalstærð herbergja í íbúð er minni en 10 m² má reikna með þeirri meðalstærð. Þegar heildartala herbergja hefur verið reiknuð út samkvæmt þessu skal hún hækkuð upp í heila næstu tölu, ef stendur á hálfu.

19. gr.

Söluskattur 11% og 2% viðlagasjóðsgjald eru talin með í upphæð gjalda þeirra, sem um ræðir í gjaldskrá þessari.

20. gr.

Rafmagnsveitan leiðbeinir gjaldendum, er þess óska, um val gjaldskrárliða eftir tegund notkunar.

21. gr.

Gjaldskrá þessa skal endurskoða í heild eigi síðar en að fimm árum liðnum. Gjaldskrá þessi staðfestist hér með samkv. vatnalögum, nr. 15 20. júní 1923 og Orkulögum nr. 58 29. apríl 1957 til að taka gildi þegar í stað og birtist til eftirbreytni öllum þeim, sem hlut eiga að máli.

Jafnframt er úr gildi felld gjaldskrá sama efnis, nr. 149 12. marz 1973.

Iðnaðarráðuneytið, 22. maí 1973.

Magnús Kjartansson.

Jóhannes Guðfinnsson.